



INATSISARTUNI

Partii Inuit
Randi Broberg

UPA 2014/46-1
24.4.2014

Pillugu: **2015 aallarnerfigalugu ICC-mut aningaasaliissutit 2 mio. kr.-nik ilallugit**

Naalakkersuisut immikkoortitseqqullugit Inatsisartut aalajangiiffisassaattut siunnersuut.

(Inatsisartunut ilaasortaq / Medlem af Inatsisartut Aqqaluaq B. Egede, Inuit Ataqatigiit)

Partii Inuit siunnersuutikkut oqariartuut tusaasarpus tassaavoq, Inuit Issittormiut Siunnersuisoqatigiiffiat, aningaasaatilissuit aningaasarsiornerinnarmik soqutigisalinnut uagut inuiattut pisinnaatitaaffitsigut ullumikkut illersugaanitsinnut, siunissamilu inuiattut illersugaanerunissatsinnut aqqtissiuussisutut asuliinnaanngitsoq nukitorsaaqataasoq qulakkeerinneqataasorlu.

Naalakkersuisut siulittaasuut aamma Nunanut allanut tunngasunut Naalakkersuisup akissuteqaammini ilaatigut taakkartorpa, inuiaqatigiittut soqutigisatta siuarsarnissaannut, inuttut pisinnaatitaaffitta malitsinniarnerini, minnerungitsumillu piorsarsimassutsitta, naleqartitatta inuiattullu kinaassutsitta illersorneqarnerini, Inatsisartut pingaarutilimmik inisisimasut. Tamanna isuma Partii Inuit tamakkiisumik *taamaattariaqaraluarnera* isumaqatigaarput.

Qulaani taaneqartut aallaavigalugit, Partii Inuit matumuuna ima saqqummiussissaq, tassanilu ullumikkut pissutsit ilaat, Partii Inuit qiviaqqaassallugit pisariaqartipparput.:

1.

Inuiaqatigiinni ingerlatsiviit pisortatigut ingerlanneqartut imal. aningaasalersorneqartut qiviarutsigit, uagut inuiattut soqutigisagut suugaluarunilluunniit tunullunneqartuaannartutut ippus aningaasaliissuteqarfinginissaallu tunuarsimaarfigineqartuarlutik.

Assersuittaqqippus atuarnissamut, piginnaanngorsarnissamut, ilinniaqqinnissamut, ilinniagaqarnissamut, siuttunngornissamut, aqutsisunngornissamut, piginnittunngornissamut; allatut oqaatigalugu inuiattut qaffassarnissatsinnut periarfissaqalernissarput Inatsisartuniit annertunerusumik pimoorulluinnakkamillu akissaqarfingineqanngisaannarsimasutut ippus.

Kingullertigut tusartalerparput aatsitassarsiutileqatigiit uagutsinnik sulisoqalersinnaanertik aporfekartikkaat; tuluttut oqalussinnaannginneq peqqutigalugu sulisorisinnaannginnerarlugit. Naak aatsitassarsiulernissaq ukiorpassuanngulersuni Inatsisartut eqqartortuarsimagaluaraat, meeqqat atuarfianni tuluttut oqaatsit suli pingajuusutut inisisimatinneqarput. Tassalu uagut



INATSISARTUNI

pisariaqartitatsinnik tunulliuissineq aasiit. Taava aperisariaqarpugut naaguku uagut inuiattut soqtigisagut salliullugit illersuisussat Inatsisartut ICC'lu?

2.

KNR qiviaannarutsigu pissutsit qanoq ippat?. Danskit annertoorujussuarmik aquppaat, danskillu soqtigisaat tunngavigalugit KNR'ikkut tusagassiorneq ingerlanneqarluni.

Aali KNR tusagassiorfittut uagutsinnut qitiusumik inissisimanera qularutissaanngitsoq. Naak uku uagut pisinnaatitaaffitsinnik illersuisutut imminnut taagortut?.

KNR'ip tusagassiorfittut uppernassuseqarnera Partii Inuit apeqquserparput, ullumikkutut pissutsit itsillugit.

3.

Qulaani assersuutitut taasatta siilliit marluk erseqqissumik takutereerpaat Inatsisartut ICC'llu uagut inuiattut soqtigisatsinnik illersuisutut taakkartorneqarneri apeqquserneqartariaqartoq.

4.

Eqqaamaneqassajunnarsivortaaq Partii Inuit oqaatsitsinnik illersuinerput, ICC'miit qanoq ippigineqarsimaticisoq qanorlu uparuarumaneqartigisimasoq.

Tassani Partii Inuit pingaartipparput, ICC'p inuiattut pisinnaatitaaffitta illersorneqarnissaat sammivigisariaqaraa, naalakkersuinikkullu soqtigisaqaqtigiit arlaannut illersuisuunani lu illuatungiliuttuunnginnissaat.

5.

Inuit Nunaanni Inuit Issittormiut Siunnersuisoqatigiiffiata ingerlatsinermut aningaasartuutai qissimikkaanni Partii Inuit maluginiarparput, siulittaasup (chair) akissarsiaqartinneqarnera qaffasissumik inissitaasoq.

Partii Inuit tassunga atasumik ICC'mut kaammattuutigissavarput, aningaasakillionermut atasumik, aningaasartuutit nalilersuivigeqqinnejarnissaat.

Tamanna piviusorsiornertut pissusissamissortutullu Partii Inuit isigaarput.

Naggataarutigalugu Partii Inuit erseqqissassavarput, siunnersuut Partii Inuit tungitsinniit taperseratsigu, ataani taaneqartut pequtigalugit:



INATSISARTUNI

- a) Naalakkersuisut takutereerpaat, amerlanerussuteqarneq kisiat tunngavigalugu, apeqqutit tamatsinnut qitiusumik pingaarutillit aaliangiivigisinnaagaat, taamalu innuttaasut oqartussaaqataanerat tunulliussinnaagaat.
- b) Tassani ICC'p pingaaruteqarnera Partii Inuit nassuerutigigatsigu.

Taama oqaaseqarluta qujavugut.